

COMUNICATO n. 3055 del 24/10/2023

Traduzione in cimbrio

Voucher zo giana zo lirna in di lentar vodar EU un in Uniong Raich, ågenump di kritèrie bia zuarzogebase

Da provintziàl Djunta atz 20 von bimmat hatt ågenump di meldung auzgètt in studjént von zboate djar von viardjaregen licei un von draite djar von åndarn obarschualn boda bölln gian zo studjara vor a zait in ummaz von eauropéan lentar, da mang gian vor a drai månat odar vor daz gântz schualdjar 2024/2025 o.

'Z iz an initziatìf boda vürgeat sidar mearara zait boma però hatt geböllt süachan zo vornaügra, machantese hërta mearar offe un hërta mearar guat innzovånga alle genoatn; vo haür vort soinda khent inngevüart maz zo macha nemmen mearar toal in djungen boda soin bohintart.

Di voucher soin gezalt pinn schütz vodar Européan Uniong – Sotziàl Font, von belese Stato un vodar autonome Provìntz vo Tria nâ in progråmm FSE 2021-2027. Vor disa initziatìf soinda khent untargelekk 730 tausankh euro boda soin genumma z'zala in gântzan op un zua 80 voucher. Berda iz interesàrt mage inngem in vorsch vo di noüne morgas von erta atz 7 von bintmånat 2023 sin daz umma in tages von fintzta atz 7 von kristmånat 2023.

Di meldung mage khemmen genump abe vodar websait: www.provincia.tn.it/fse+, in di sektziong "Servizi e opportunità per le persone" un vodar websait: www.vivoscuola.it

Vor bem

'Z mangda nemmen toal di studjént boda:

- gian in ditza schualdjar 2023/2024 in da zboate klasse von trentinar viardjaregen licei odar in da draite klasse von åndarn obarschualn saiz in Trentino saiz auz provìntz o;
- hãm nèt kompìrt mearar baz zbuantzekh djar;
- lem odar stian in di Provìntz vo Tria (berda nèt lebet ma steat lai mocht gian in a schual von Trentino);
- soin in a famildja boda hatt an ICEF vorz djar 2023 boda auzkhint von "Untzege Vorsch" untar in 0,60.

Dar voucher zuargètt bart khemmen auzgezalt lai azta khint gemacht verte 'z schualdjar 2023/2024 åna formatif schulln.

Bo

Ma mage gian zo studjara in auzlånt in a schual istitutziong boda hatt soin setz in a lånt vodar Européan Uniong odar in Uniong Raich.

Dar studjánt iz frai zo zornira sèlbart an bettan schual bege zo macha, baispil nemmen toal in vürlegom zo

giana ummar vodar schual bodar sa macht, innschraimse atz progrém boda khemmen vürgelekk vo emtar, feroine, adjéntzian boda arbatn in sektor zo macha ummar gian di studjént, süachan alumma beln bege zo macha gianante sèlbart zo zornira di schual bodar bill machan un vennenen alumma herbege.

Vor biavl zait

Di schual mage innhaltn a djar (daz mindarste 240 tang) odar lai vor bintsche zait (daz mindarste 110 tang).

Bia innzogeba di vorsch

Dar vorsch mage khemmen inngètt vo di noüne morgas von erta atz 7 von bintmånat 2023 sin daz umma in tages von fintzta atz 7 von kristmånat 2023 durch informatege protzedùr, nützante in SPID Sistema Pubblico di Identità Digitale.

Roatordnung un zuargem di voucher

Pittnar garedegen delibera barta khemmen ågenump dar roatordnung von vorsch boda so in khent gehalten guat, nidargelekk nå in valór in krescham von indikatór ICEF 2023 boda auvarkhint von “Uantzege Vorsch” 2024 un aftz ditza bartnda khemmen zuargètt soine voucher.

Zo haba mearare informatziongen makma vorsan:

Struttura Multifunzionale Territoriale Ad Personam

Bege Pranzelores, 69 – 38121 Tria

Von menta aftn vrait vo di achte un a halbez mòrgas sin di vünve un a halbez abas.

Grümma nummar: 800 163 870 – fax 0461 390707

e-mail: adpersonam.fse@provincia.tn.it

websait: www.provincia.tn.it/fse+

sektor servizi e opportunità per le persone, odar www.vivoscuola.it

Übarsetzt von Schaltarle vor di zung von Toalkamou vodar Zimbar Hoachebene

(cdt)